



Broj: 02-11-20806-5/22
Zenica, 26.12.2022. godine

Na osnovu člana 68. stav 4. tačka i) i člana 70. stav 1., 3. i 6. Zakona o javnim nabavkama («Službeni glasnik BiH», broj: 59/22), na prijedlog Službe kabineta Gradonačelnika, Gradonačelnik grada Zenica donosi:

ODLUKU

o izboru najpovoljnijeg ponuđača za izgradnju kanalizacije sliva Babine rijeke (LOT 4)

Po provedenom otvorenom postupku za izvođenje radova na realizaciji projekta iz Programa utroška sredstava vodnih naknada za 2022. godinu, za izgradnju kanalizacije sliva Babine rijeke (LOT 4), objavljenog na portalu javnih nabavki, broj: 1355-1-3-296-3-203/22 objavljeno je na Portalu javnih nabavki dana 20.10.2022. godine i u Službenom glasniku broj: 72/22 od 28.10.2022. godine, za najpovoljnijeg ponuđača izabran je:

„ŠPIC BETON“ d.o.o. Zenica

O b r a z l o ž e n j e

Po provedenom otvorenom postupku za izvođenje radova na realizaciji projekta iz Programa utroška sredstava vodnih naknada za 2022. godinu, za izgradnju kanalizacije sliva Babine rijeke (LOT 4) učestvovali su sljedeći ponuđači:

1. „ATLAS“ d.o.o. Visoko
2. Grupa ponuđača „TKM“ d.o.o. Zenica i „TEHNO-PROMET“ d.o.o. Zenica
3. Konzorcij „ALMY“ d.o.o. Zenica i „ALMY-GRADNJA“ d.o.o. Zenica
4. „ŠPIC BETON“ d.o.o. Zenica
5. „KOMGRAD-ZE“ d.o.o. Zenica

Ponuda ponuđača „ATLAS-D“ d.o.o. Visoko ne ispunjava uslove iz tenderske dokumentacije, jer je ponuđač u svojoj ponudi dostavio Diplomom Građevinskog fakulteta u Sarajevu o završenom studiju za sticanje više sprema, za lice Edina Suša – građevinski inženjer, što nije u skladu sa tenderskom dokumentacijom, jer je u istoj navedeno diplomirani inženjer građevine, a ne građevinski inženjer sa višom spremom.

Ponuda ponuđača „ATLAS“ d.o.o. Visoko za LOT 4 nije u skladu sa tenderskom dokumentacijom i ista se odbacuje u skladu sa članom 68. stav 4. tačka i) Zakona o javnim nabavkama i ne ulaze u dalju evaluaciju ponuda.

Ponuda grupe ponuđača „TKM“ d.o.o. Zenica i „TEHNO-PROMET“ d.o.o. Zenica ne ispunjava uslove iz tenderske dokumentacije, jer je ponuđač u svojoj ponudi za LOT 4 dostavio Obrazac za cijenu ponude sa predmjerom radova, gdje je ponuđač na više mjesta upisao nečitko jedinične cijene (dio II ZEMLJANI RADOVI, stavka 1, stavka 10.), koje Komisija nije mogla utvrditi prilikom vršenja ispravki računске prirode. S obzirom na navedeno, ponuda grupe ponuđača „TKM“ d.o.o. Zenica i „TEHNO-PROMET“ d.o.o. Zenica za LOT 4 odbacuje se u skladu sa članom 68. stav 4. tačka i) Zakona o javnim nabavkama i ne ulazi u dalju evaluaciju ponuda.



GRAD ZENICA

Ponude ostalih ponuđača ispunjavaju uslove koji su zahtijevani u Tenderskoj dokumentaciji.

Procijenjena vrijednost za LOT 4 predmetne nabavke iznosi 98.000,00 KM bez PDV-a.

Dopisom broj: 09-11-20806-17/22 od 23.12.2022. godine, Služba za vodoprivredu, putnu infrastrukturu i mjesne zajednice, dostavila je informaciju da može obezbijediti dodatna sredstva za finansiranje predmetne nabavke.

Ugovorni organ je izvršio izbor najpovoljnijeg ponuđača „ŠPIC BETON“ d.o.o. Zenica na osnovu bodovanja koje je izvršila Komisija formirana od strane Ugovornog organa, Rješenjem broj: 02-11-20806-1/22 od 12.10.2022. godine.

Procjena ponude i rangiranje, dati su u Zapisniku I Komisije, broj: 11-11-20806-9/22 od 28.11.2022. godine, Zapisniku II Komisije, broj: 11-11-20806-15/22 od 05.12.2022. godine, Zapisniku III Komisije, broj: 11-11-20806-18/22 od 26.12.2022. godine, a izvršeni su na osnovu Poslovnika o radu komisije, broj: 11-11-20806/22 od dana 13.10.2022. godine.

E-aukcija je održana dana 07.12.2022. godine sa početkom u 13:30 sati, sa završetkom u 14:00 sati – okončana uspješno. Učestvovalo je 3 ponuđača, pri čemu je cijena snižena dva puta. Početna najniža ponuda u vrijednosti od 115.315,05 KM bez PDV-a nakon e-aukcije iznosi 107.000,05 KM bez PDV-a, te su ponuđači bodovani kako slijedi:

R.B.	Naziv ponuđača	Cijena u KM bez PDV-a	Bodovi
1.	„ŠPIC BETON“ d.o.o. Zenica (Pehare 72, 72000 Zenica, ID: 4218455660009)	107.000,05 KM	100
2.	„KOMGRAD-ZE“ d.o.o. Zenica	107.700,00 KM	99,35
3.	Konzorcij „ALMY“ d.o.o. Zenica i „ALMY-GRADNJA“ d.o.o. Zenica	132.506,33 KM	80,75

Ponuđač koji je izabran kao najpovoljniji, dužan je u roku od 5 (pet) dana od prijema ove Odluke o izboru najpovoljnijeg ponuđača dostaviti dokumentaciju iz člana 45. Zakona o javnim nabavkama, kao što je navedeno u tački 3.4. tenderske dokumentacije.

Pouka o pravnom lijeku

Protiv ove Odluke može se izjaviti žalba Uredu za razmatranje žalbi, putem ugovornog organa: Grad Zenica, Služba kabineta Gradonačelnika, Trg BiH br. 6, 72 000 Zenica, u roku od 10 (deset) dana od dana prijema Odluke.

Žalba se podnosi u 3 (tri) primjerka, kako bi mogla biti uručena izabranom ponuđaču, Uredu za razmatranje žalbi i Ugovornom organu.

Žalba se podnosi neposredno Ugovornom organu u pisanoj formi.

Dostavljeno:

5 x Ponuđači,

1 x Tenderska dokumentacija,

1 x Služba kabineta Gradonačelnika

1 x a/a

GRADONAČELNIK ZENICE

Fuad Kasumović